


續修四庫全書



《續修四庫全書》編纂委員會編

續修四庫全書

上海古籍出版社

一四九二・集部・別集類

冬青館甲集六卷 冬青館乙集八卷 [清]張鑑撰……………一

織簾書屋詩鈔十二卷 [清]沈兆澐撰……………二〇一

鑑止水齋集二十卷 [清]許宗彥撰……………二九九

小謨觴館詩文集十三卷 小謨觴館續集五卷 [清]彭兆蓀撰……………五一七

冬青館中
雞中齋
集八齋

吳興劉氏
嘉業堂刊

冬青館甲集目錄

詩一

勞薪集二十首

湖樓集七首

檣谿拾橡集四首

過江集七首

望雲集五首

冬青庠集五十三首

詩二

蕪城集六十二首

後冬青庠集二十三首

冬青館甲集目錄

北征集十首

南遊集六首

寄阮集二十七首

詩三

礪桐館集二十八首

淮南集十九首

臨頓里集十首

林屋洞天集十九首

桑苧園丁集七首

痺風集二十七首

井叔集十首

冬冬 青館 乙集

冬冬 青館 甲集

〔清〕

張

鑑撰

據上海辭書出版社圖書館藏民國四年劉氏嘉業堂刻吳興叢書本影印原書版框高一八三毫米寬二六八毫米

文四

釋二首

議一首

記七首

序四首

文五

序三首

書五首

跋八首

文六

跋二十二首

冬甲目錄

二

鑑少媿師資長荒學宦窮日故紙差無狗馬之好
年紀滋多已編晉七十餘卷雜著不與也不得已
先梓十之一二餘當俟更錄焉至於裏麵覆瓿任
人位置而已道光己亥八月二十七日烏程張鑑
自識

冬青館甲集卷一

吳興叢書

烏程張鑑秋水

詩一

勞薪集

古意

息夢攀銅輦勞心炙羽笙長門秋雨夜不住草蟲鳴

仇英五百羅漢歌

古畫羅漢誰弟一前推貫休後楞伽晚出實父號能品
筆力獨祖龍眠家活禽生卉學黃趙粉本時亦臨蟬紗
尤工白描細莫比吳衣曹帶寧能加何年灑落月中水
貌茲五百青蓮花靈山會中苦尙少旃檀林下宜無差

冬甲一

嘉業堂校刊

襴褌欲作水田鶴瑟縮渾似枯木槎毘羅蘇都微妙諦
具諸眾相爲中車或露月而照光采或堆螺髻飄鬢髻
或張電目刮銳子或伸鳥爪揮松樞或耳輪垂巨成市
或眉光放升如赧或現修羅臂百尺或變瞿波頭三了
師子坐或睡兀兀糊猴藤或行衙衙山腰或倒跨香象
波面或半跏金蟆毒龍或咒攝調御彫虎或繫頻摩撾
煮石乳或充瓶盞拈松鍼或縫袈裟或簷蔔過鼻還縮
或米汁到口先哆或臥花窟繙貝葉或挈寶盒藏佛牙
或捕鬼母破藕孔雨刀風馬吹天斜或度鹿王拈花朵
魔兵醜女羣咨嗟或兜率宮或祇寺竭來遊戲天雨葩
摩挲肉眼看不定有若難數恆河沙此卷流傳出誰氏

款識不許人矜夸天籟閣中應不入銷夏錄裏徒成賒
盡掃題句更跋語神物亦豈能瑜瑕嗟余蟄處一老衲
十笏之室如盤蝸軸簾頓覺飽寒餓日光旋轉花陰遮
恐汗寒具復卷好逃禪心痒難抓爬我聞達磨昔南渡
開山衣鉢來中華曹谿一去又千載十有二部空呶啞
心空及第那易得爭干佛名經紛拏渡海無筏鴿驚顛
幾人誦經凌晨霞薦以艾蒔更頂禮髣髴丈六黃金塗
願皮作紙血作墨請寫萬卷交侯芭

過寶雲和尚豐草菴

瓶盞無端付劫塵重來門巷及蕭辰白衣自合稱開士
青史何從傳逸民禪室樹深仍度鳥釣潭秋淨不生鱗

冬甲一

西風吹墜昭陽夢誰爲招魂問後身

西湖秋柳和楊秋室八首

萬樹千條冑暮煙亂鴉唬過暗門前玉津園裏西風冷
瘦損腰支又一年

一痕涼月水西東搖落依然映渚鴻見說清波門外種
銷魂誰似鮑郎中

湖園春半鬪纖腰十二簾前翠牋描一夜珠郎偷擲笛
澹煙疏雨段家橋

低遮花影泥新涼清露無聲溼畫廊比似桃根今老大
秋來誰懺水仙王

紅船斜繫記春曾占斷年光苦未勝重到水天閒話處

絲絲涼覆柏花燈

嫋嫋鵝黃一兩枝亂拋風絮在春時而今司馬朱顏改
借得秋波照鬢絲

芙蓉閣迴露初寒拂面柔條染未乾髣髴羅衣天水碧
夜深還倚玉闌干

愁唱黃鸝日又低數枝狼籍跨虹西衣香鈿轂恩恩散
無那哀蟬抱葉啼

同施北研楊秋室李白樓楊拙園集報國寺拓
前明李楨書妙法蓮花經碑和拙園韻二首

勝引偕蘭友沿谿步履深詞源窮汲綆禪悅妙吞鍼石
墨成幽契甄推試遠尋竹閒清磬出一爲叩珠林

冬甲一

閒房風日美洞洞復亭亭花燭諸天宴龜趺古殿經香
宜熏篤繹紙勝寫磁青拓罷傳觀處長謠繞蘇庭

登寶石山天然圖畫閣用樊榭韻

佛閣梯桃取次登四山涼翠記來曾白蓮社肯孤良友
壞色衣須借定僧拾果野猿窺石澗聽經仙鼠拱秋藤
他時再結宗雷約莫道攢眉我未能

無門洞

虛牝鑿五丁甯然自太古蓑蓑石斛花靈苗曉還吐我
來禮金粟塵劫浩難數傳是古龍宮宿雲莽無主遺蛻
不可尋時作修羅雨

白沙泉

跌坐青松根寒泉寂來響何年枯木禪挂瓢此孤往茶
毀不可爭水晶尙能賞會攜三昧手結構置虛梘寄語
桑苧翁便當脫塵鞅

紫雲洞

修坂被苗松窈窕入晴壑丹梯三兩盤崖骨一疏鑿時
有白豪光片片衣裳落石髓不可期塵海本無著未免
驚谷神啼髮罔心諾

蝙蝠洞

山行雖忘疲墜甌畏秋暑石屋何年開蒸嵐迷處所誰
然牛渚犀取徑色先沮女蘿時一攀騷屑山鬼語夕陰
起遙峰一一見仙鼠

冬甲一

威乙巷求應潛齋故居不得

太息潛齋去重來有所思牛全明處士老作漢經師逸
事猶能纂遺編不可知寒泉如可薦敢獻大招詞

周母文姬歸漢圖

周郎畫筆爭蠶絲粉本不數荃與熙流傳此幅尤絕奇
中有美女爲文姬黃龍堆前秋風吹雪花亂卷乾紅旗
貂幘成削顰蛾眉行將東歸辭龜茲一馬前導一馬隨
一馬斲草不可馳豬韉蠻部攜兩兒攔道涕泗交其頤
雖非王嬙如息嬀欲去不去何遲遲阿瞞昔日裂綱維
千金贖人同殺皮腹痛豈與中郎私故態乃似分香爲
蔚宗史筆雄一時列女傳作諛墓詞胡笳之拍良可悲

宰足比以曹娥碑

湖樓集

劉松年畫南宋中興四將圖歌

朝幌搖漾紅梨枝校書館中春遲遲閒來讀書展縑素
丹青剝蝕神明虧君臣南渡苦牛角江山半壁猶撐持
南薰殿迴少顏色何人下筆親威儀一將兀立似平叔
兩目豎直交於眉條侯貴倨習綺靡五花官誥封雙姨
一將老大慘不樂面目深皺微生髭清涼居士晚驢背
燕山射虎今無時一將高準復廣顙老爲巨猾鬚連頤
鳶肩火色自有相以之詔檜奚足疑後有一將大小眼
銳上豐下如雷垂鄂王精忠古少比至今絹上同憂危

冬甲一

五

憶昔臨安起宮殿君王愛此成愆期汴州風物豈堪夢
冰天龍骨何由知金縉列款歲不繼中朝相眼同嬰兒
紛紛畫院更何有劉侯發憤神飛馳殿前待詔類謫諫
馬遠郭恕誰敢嗤每見陣雲憶轉戰還聽鼓角憐拳旗
中原父老自有淚南天臣子難爲詞寫成一幅寄深慨
袞冕斧鉞良不欺繪雖藝事有忠孝古人往往存其思
運糧圖成足風雪勤王妙論無乃奇把侯圖畫憶侯住
閨門東去波連漪還將史事論南北愁殺當年老畫師

題華司馬秋槎北山旅館圖二首

藏鴉門外水渌渌葉菱花兩岸通吟盡秋來孤鴈影
詩名不讓鮑清風

閒卻籌時冊載身著書魚鳥日相親何妨姓氏流傳徧
不是蘭陵賣藥人

周五戈歌

琅嬛仙館春溶溶吉金貞石相過從有周五戈出何許
手爲抉剔開苔封平頭奴子擎不得寒芒四射青芙蓉
一戈有孔垓援胡公孫造之銘厥庸一戈子永之所作
活翠剝落生沙濃復有一戈執宜左高陽當日珍如琮
其外二戈失款識摩挲法物心彌恭橫刀立旆要有體
雞鳴磬折難爲容初疑閉置學買價旋加前濯傳奇蹤
吾聞攷工有冶氏儼以桃劍同鳧鐘四分其金錫居一
赤堇破出煩熬鎔後世妄作易以鐵乃與制度相筵從

冬甲一

六

程氏父書益晼晚陶公劍錄徒噉喁雀弁上刃夾兩兜
東朋西癸周所宗校書幸免鉗在口哦詩那得星羅胸
本事雕蟲矜小技轉拓金戟離歡悰舊年突豕犯蜀道
黃雲戍苦傳狼烽書生自具燕領相斯戈寧復殊笙鏞
安得紅襦重兩勒爲師負此臨雲衝宋斤魯削亦何有
庶幾矢黑還弓彤

奉華堂研歌

先輩匣中一片雲云是紹興末年宮裏物我聞光堯閣
中之經且難保汝研何由得湔祓肯刻三字奉華堂
下傳聞口先吃得非閉關頌酒之子孫霧鬢雲鬢憶仿
彿大劉妃本臨安人德壽以此供晨昏圖成宮繡妙粉

墨比諸畫院還入神萬壽橋邊竹堂裏當年色藝矜絕
倫方響誰葛元德摘阮誰曹彥國彈箏誰朱邦直許柔
柔舞瓊瓊歌汝獨抱此一研將如何阮譜三十曲圈朱
點墨親研磨圍碁罷賭寫風竹綠華瑤玉罩雙蛾大河
以北事已矣斬王雖存岳侯死手詔勤褻心則那爾研
之頑乃無比斯時批書繞御牀研乎研乎得弗相表裏
書生舌端炙轂同此論無憑吾不喜風鐙過眼幾百年
忍使明珠誇蕙以裹以鵠紋魚口之素錦熏以龍涎鳳
腦之濃香旁鑿不甌滑而脰修史爭數柯維騷與王維
儉新編細寫崇福院舊事還參金陀坊一掃五難兼三
長日餐蛾綠坐研北一勺沙泉淨揩拭誰言宣和脂盞

冬甲一

七

不可尋儼此美石宜良金

西湖僧舍晤徐雪廬

昔作武康別重來隔歲餘孟郊詩轉瘦吳質病方除花
影團禪室春陰散麴車西冷吟賞地一爲感離居

移花和王春畚胡書農兩同年時共纂修鹽法

志同寓昭慶寺

雲堂旦過雨廉纖移得情根傍畫檐種處不求天女散
開時自覺定香嚴十年杜牧塵緣斷三逕陶泉別夢兼
安得對花長住此鬢絲禪榻笑同拈

楷谿拾橡集

雨中陪劉信芳師遊蘭亭

東風吹雨溼輕裾還上山陰薄笨車彭戴恩難忘款款
羊劉詩豈厭徐徐古來修禊人何在雪後明流酒不如
欲向羽觴徵舊事清談自勝暮春初

自樊江至吼山

曉雨停鰲牀擎音出野水時見垂楊椿春風綠方始石
扇忽中開洞壁蘚痕紫何年驅六丁蹠此巨靈趾其中
正谿訝其外得俶詭佛胛理庚庚鬼面露齒齒嬾雲閱
乖龍活水媚仙鯉買山雖未能讀書故心喜山爲陶石
質讀書處
危闌一以眺煙霞不可理飯罷復登艫沿流拾芳芷

過上虞縣

縣冷稀塵市谿禽信往還幾家住修竹亂水繞青山鄉

冬甲一

妾劉桑少農人緯未閒望中春正及雉子遠斑斑

紫陽宮

仙觀幽谿上春風鶴逕寒蟬衣生玉座松翠溼苔壇有
碣書遺蛻無顏駐大丹祇應明月夜笙吹降驂鸞

過江集

將赴都門留別詰經精舍同人

一試不稱意翻然成遠遊江山從此始花月爲誰留柳
冕原難第唐衢本善愁傳經舊同學且漫作悲秋

無錫道中

別驛無多地離家已各天谿流舍宿雨山骨露秋煙運
臂沿江店催租機岸船不須驚歲暮遊子意茫然

高家堰

高郵城下水盡日向東流清口淤誰刷淮南事可憂民
居寒伐荻官驛夜登樓漕運

神倉重須知更遠謀

南池謁杜少陵祠

祠宇南池上殘年俎豆荒詩存唐日月貌苦蜀風霜蛤
老空潭碧鴉歸脫葉黃彭衙今夕感吟眺意蒼茫是日
聞警

分水大禹廟

南來禹廟此河濱想象雙圭日月新輓粟至今嚴貳負
董工終古役庚辰飛沙夜濯靈旂雨帶水朝回玉座春
聞道桑乾秋汛惡綠章誰與

冬甲一

至尊陳

錢刀行

孝子姓馬氏自幼知父沒遼左欲往迎骨歸
葬請於母以幼不許乃日積所得錢刀爲行
計母知其志遂鬻珥釧成之果負骨歸旣而
孝子卒事乃暴諸城劉石菴相國屬爲詩作

錢刀行九解

啞啞烏尾畢逋孤兒夜泣雙眼枯一解有父戌遼左十
年不歸來可憐新白骨日夕委蒼苔二解兒欲往迎阿
母不許兒年十五號咷不已三解朝亦積錢刀暮亦積
錢刀問兒何所積問兒何所勞四解阿耶骨不歸兒心

焉得憚仰天出門豺狼爲辟易

五解

吾僕既凋瘵吾馬

還虺隤精誠一以通金石爲之開

六解

果然收骨背海

頭千里負之路阻修

七解

吁噓乎惟孝無老惟孝無小

積此錢刀順彼長道君不見萊子之衣陸郎橘人生有

孝不以日入解我歌此詩神所聽著之

國史明丹青以比蓼莪繼葩經

九解

紫藤花歌呈劉師

薊門三月春風斜家家屋角開藤花豪吟猛憶海波寺
手植不數吏部衙竭來半載蝸負殼豐臺舊約行尙賒
映階賴有兩株樹長身交結同修蛇昨朝小雨一披拂
急撥塵土塘窗紗初疑龍鬚噴紫沫漸看佛胛含丹沙

冬甲一

十

齊奴步鄣曳落索季龍斗帳垂髣髴千枝萬枝壓幌曲
三朵兩朵飛檐牙客居百事不快意花時轉側思歸家
家中老屋在花下茸茸紫雪春抽芽小年上樹腳百匝
清晨弄蕊手入叉已嫌照眼異嚙昔那能插帽羣咨嗟
吾師居官食冰雪門多問字無麴車兼旬況值鎖闥去
令予閉置如宮娃頗傳

國初盛好事古藤書屋朋箋誇竹垞不作山薑老一撚
長條感歲華

望雲集

董仲舒祠

董相祠堂在冠裳異代新驕王尊讖緯高弟繆天人雲

樹靈鴉語風花羽帳塵玉杯書不改下馬一愴神

贈吳梅梁同年

之子揚州秀才華自妙年南金求不易東箭價誰先風
貌阮何並詩名庾鮑前青雲終羨汝矯翼鳳池邊

中秋與同舟諸君小酌是夕月食

明月成高會秋江晚正波臨觴忽不御同調意如何地
上還全蝕天涯尙魯戈美人千里思一夕感蹉跎

白洋河弔史閣部

開府重來國竟亡恩恩鉤黨劇披猖生前霜雪同文陸
死後衣冠勝左楊怪鳥自嘯營壘盡梅花無主墓門荒
唯餘一片淮南月曾照鞞刀誓戰場

冬甲一

十一

雨中過露筋祠

叢祠依灌木古殿闕秋蟲碧瓦衝涼雨靈旂卷朔風幽
花明渚曲秋鳥下晴空回首秦郵路煙波落晚楓

冬青庠集

節署得湖石阮師以字字之曰雲臺峰詩以紀
事同人和之

晴雲一朵壓羣峰珠浦重來又碧空魯直題銘輸肘後
南宮結契入圖中雨餘闌苑仙脾重花亞朱陵地肺通
誰數錢塘龔主事宣和舊物玉玲瓏

雲臺師置漢陶陵鼎于焦山同人分賦

琅嬛館中定陶鼎濃綠直壓焦山巔焦山之鼎古莫攷

神物黯淡愁雲煙詩人詠歌其光價造爲詭倣吾不然
吾師好鼎如好士不令墜地遭屯遭宣德彝器列譜系
雲雷饗飮相新鮮唯茲繡涇類寒餓知與人海殊腥羶
一朝刮垢露光怪耳根碌碌金環圓頂高一寸腹四寸
漢律黍尺通刀錢鑿款隸字得六七鉤勒勁直星辰躔
金牀不歸怨春韭寶衣已化羞寒泉踰麋泝共記地志
黃圖三輔斜陽連珊瑚鐵網豈易邁得之乃復遺其筌
朱門擬擋厭梁肉雲肩妥帖隨臞禪以鼎致鼎古無例
髣髴合浦珠牽羶不爲已有得常有衣蓋要與傳鐙傳
大江寒潮卷秋雪載此亦有沙棠船精靈月黑聞爾汝
過閬人物同千年飛廉魂苦列缺怒雨兩虹氣相騰旋

冬甲一

三

華陽石墨令威歎摩挲不異金銅仙枯木堂空搖海影
松明夜炷清無眠東西離立比夷惠銅花銅葉璀璨筵
仰天一笑石鼎句寒濤落落長松前

分題琅嬛仙館畫扇十首

蔣廷錫佛手柑

花前退直罷朝餐貌出兜羅墨未乾莫笑唐羌曾置驛
越裳消息近珠官

周臣柳塘洗馬圖

細柳團營散紫騮角觶弓外見河流將軍昨夜潼關入
閒殺西風敕勒秋

徐邦棠上白頭翁寫意

開時西府亞珠胎練離濠梁不數崔一曲笙詩誰補得
油油春意滿南陔

錢穀攜筇觀瀑

縣磬先生每晏如朝朝忍餓寫寒樗一枝九節仙人杖
拄到匡廬讀道書

藍瑛仿梅道人仙居樓閣

阿龍戰苦蒜山前九友飄零感暮年自是蓬萊清淺後
秦淮高閣小遊仙

黃文立隔水問樵人詩意

延瀨薪歌少和聲誰吟招隱愛閒行長松絕壑清於水
六月披裘不世情

冬甲一

三

張源瀟湘夜雨圖

秋風木落鴈成雙曾上泝陽萬里江髣髴懷人清夢斷
暗潮打枕臥蓬窗

吳山濤雨餘山色

九嶷寒影繞函關雨後空思匹馬還想像塞翁官舍冷
放衙初過寫秋山

王化成煮茶對奕

紗帽團碁調水符王郎人物妙規模松風吹入長安夢
賭得宣城太守無

趙文俶花螭

家世紅欄里舊稱女孫才調擅休承荀香花底泥金螭

知是滕昌祐未能

澹亭精舍卽事和阮師韻

天涯積雪滿寒沙昨夜嚴香著樹花九陌光陰愁竹素
千秋心蹟倦鉛華園抽蘭葉春風薄池裂冰紋旭日斜
敢負官齋閒歲月起披金石寫蟬紗

西漢黃龍元年建輶

漢人都咸陽工築每稠沓至今未央瓦常被馬蹏蹏因
瓦遂得輶銘字爭響揚斯輶紀黃龍注與小顏合宣帝
二十五其年竟不臘史書上年冬火及宣室閣距崩未
央時歲星適周匝始知熟浮年無用苦批拉審定修未
央風霜幾蕭颯幸非鑿曰科庶免砌輶塔四角暨中央

冬甲一

十四

完好少齧踰何年出鄠杜何年渡泔淥中有地理書錦
吐復禮飲吾師誌金石往往卜簪盍商占辨立位魏鐘
識韉鞮一字必鉤貫不肯受譌雜門才楊南仲朱同年爲弼
意亦互酬答漢輶有未央此義非謬諸用以配研山永
勿近酒榼火速寫成詩尙可及官蠟

東晉興寧二年俞氏所作輶

晉輶記興寧太歲得甲子攷成及工名所作爲俞氏其
廣才扶句其修或過咫粉蛙兼蟲涎字字如蠶尾何年
摸金尉掘土發鶴背初疑入故宮又若出邊壘旣無保
母文復少建康史攷古墮微茫舌矯不可止憶昔搏土
人晨星試僂指元和謝君誰永初景師是叔文曹系國

伯寧汝系水結體皆隸書洪适釋所紀惟此姓不名或
是旅人耳我聞琅邪王居位僅三祀雒陽不果遷輶壇
豈暇理晉書十八家寧復涉譽毀吾師契金石有讀文
必起匣定用髹漆錯弗加厲砥香姜羽陽閒羅列烏皮
几于梁紹泰過于吳寶鼎比嗟哉永嘉餘銅駝沒荆杞
誰將婁機箋一發陸機旨

漢金釭歌

阮師得古銅環自定以爲飛燕女弟昭陽舍

中物

長安二月東風早昭陽舊苑生春草今人耕作漢人宮
拾得金釭色枯槁換來不惜金叵羅尊前爲作金釭歌

冬甲一

十五

摩挲故物看銅狄檢點殘書話影娥憶昔徵歌初第一
趙家姊妹承顏色底須雲氣畫成楣不要椒花塗作室
雲楣椒室總鉤連宮樣新翻號列錢光銜白玉釵頭燕
采發紅葩井上蓮此時芳苴鐙難燼此日綠熊席交映
團樂舞後水晶盤彎環照罷菱花鏡夜深蛤帳光生寒
何止珊瑚閒木難浴回豆蔻誰同拂鬢罷櫻桃只獨看
合歡殿冷披香歇此釭鑄後煩珍惜只宜長對掌中杯
只道長如天上月一朝訣別溝水流銀鵲金鳳又成愁
珠簾別院應難惜翠羽紅牆誰見收秋風滿地宮槐落
七寶臺空攏魚鑰拋殘鈿笛井牀閒銷沈銀甲苔花薄
銅人辭漢淚如絲海肺鐙邊不自持太清樓上徒相憶

博古圖成那得知教吟外傳花閒聽斑斑認得膳支印
西京雜記憶吳均祕辛遺事愁楊慎一規髣髴溫柔鄉
較量尺度仙人璫摩蠟自宜磨粉確熏香切莫洗桃漿
倉琅根斷漢宮閑樊嫵無言還擁髻黃金不成仙不來
釭乎愁說繁華逝畫堂甲帳盡前期金棗銀蠶又一時
莫問曝衣樓上飾涎涎唯有燕交飛

楊忠愍公石印歌

蚌蛇膽何輪囷石中有名明孤臣天池釣叟昏不知袁
州盜柄親假之十罪一疏冤未雪觸手青燐散紅屑余
舊弄公書欲以鈴終始西市銀鑄一片心碧血爛爛照
丹史

冬甲一

題阮師秋江載菊圖三首

勝牀低壓傳延年橫漲橋西破暝煙津吏到來應一笑
自齋幾度載花船

一琴一鶴共相隨
晚參放後和陶詩
雙社鄉心見兩枝
除卻白蘇無此格

瘦影蕭疏一例寒
秋容香節入冰紉
最憐鼎鼎多梁肉
不是唐花不與看

商父乙觴

觴銘五字曰子冊冊父乙琅嬛仙館藏商周
尊彝共十三事癸亥二月湘圃封公生日中
丞招客稱觴集同人分賦得此觴

鼎名有父乙尊名有父乙彝名有父乙爵名有父乙商
人銘器銘詞取高陽質斯觴三千年字異科斗黍土花
沙牀斑何年剔剔出殷名例用干帝繫苦推測或云報
丙父報乙禮所秩或云賁甲子祖乙典勿失或云武丁
父小乙列嘉栗或云庚丁子武乙用錫吉天乙復帝乙
六者安所職子冊父何法母辛祖戊律婦庚孫己名通
下視茲刻吾思簡狄女厥祥徵卯胤惜少汲豕書徒勞
想芬苾其口三寸徑其腹四升實上爲雲雷蟠下有饗
飭勒典重儷湯盤升降儼修飭俗儒經學荒古文尙難
識無逸記祖甲後人釋以凡申鄭先難王異端悉可黜
吾師治民暇治經準古式況當介壽期春酒極柔色酌

冬甲一

觴思韓嬰詩說妙是則非直姪婦文兼有夕桀術多聞
觴何妨寡聞觥斯惡餘事繪作圖一解趙商惑庶幾乙
與鴻望古非耳食

宋文信國瑤琴歌

琴長五尺上題云松風一榻雨蕭蕭萬里封
壘不寂寥獨坐瑤琴遣世慮君恩猶恐壯懷
消時景炎元年蒙恩遣問召入夜宿青原寺
感懷之作譜於琴中識之文山共五十六字
共鈴二印曰仁至義盡曰天祥宋瑞之章按
宋史端宗於德祐二年五月卽位福州改元
景炎公自温州入爲右丞相則所云蒙召殆

五月後事七月公復開府南劍州自此至十月帥汀州興化軍恐無緣再召矣見拓本因爲之歌

竹垞昔見玉帶生手拓銘字成裝池冬青樹冷說遺事爲生辛苦吟新詩吾不見生見生友古桐五尺生光儀朝起挂在壁對之神飛馳始知丞相初識汝乃在青原寺中夜雨時是時木波已祝髮景炎改元始五月公方勤王留温州端宗召之乃入粵提攜遠得梅花衲碧血先從十指發生之所交汝應交中甫炎午與謝翺黃冠汪水雲想汝更知已可惜已經北去難招邀殺聲久分入柴市變徵一奏霜天高玉帶生雖有功不及汝能寫

冬甲一

九

公之胸中知公祇一王伯厚千載復有焦尾桐夜深以筆畫汝腹古誼忠肝汝能覺詩成廿八牟尼珠急管么弦不堪讀想當顧影索再彈奇氣青霞鬱河岳從前何處匿光采至今始得露圭角縱有素女絲知汝結轡難爲詞縱有黃金微知汝寂寞不可揮唯有釣墮竹如意可以擊石裂石相攀迫囊以古錦薰以衡零丁海外秋霜晴寒潮夜落琴中聲我詩遠媿竹垞叟伴汝終須玉帶生

送春詞和方鐵珊三首

海棠雪厭醺醺早苦棟風欺楊柳遲黃四孃家落花日賀梅子句斷腸時

今歲聽鶯官閣雨去年騎馬禁城寒轉思薊北東風晚似勝江南春事闌

春泥坊底芹初長朱雀桁南燕又忙此別誰爲酬白墮再來我亦惜紅裝

節署月臺落成呈阮師

平臺高出碧梧端官舍閒時一倚欄山郭雨回晴翠抱海門秋入暮濤寒鶯花有約思王粲絲竹無緣感謝安彷彿中宵吟水調薊城煙月路漫漫

時師將入覲

題西湖櫂歌後四首

雨後初乘搖碧舟冶遊多愛牡丹秋千年石帚詞名在西月東風水磨頭

冬甲一

五

苦學新腔勝管弦蘇家簡簡妙流年藏鴉門外依稀見裙襟朝來瘦可憐

摒擋歌旗更酒卮鹿頭船小出花遲趙斜陽與張春水都似楊家妹子詩

甯泥時節水羅羅紅舫銷金半蹋歌一夜漁師譜漁笛青山愁畫馬清波

飛霜鏡引

鏡徑今尺五寸七分體圓作八瓣背白如銀左圖四竹三筍一人坐絨置琴膝前几置短劍二鑪一右方一鳳立于石二樹圓如帶下方爲池中一蓮葉一龜龜值鏡心虛其足以

爲鼻上方有山有雲銜半月月有顧免下作
田格格中四正字曰眞子飛霜阮師以書畫
審定之以爲此晉人作曾在內府見唐摹顧
愷之洛神樹形太陽陽烏可證則眞子疑卽
戴逵逵傳逵能鼓琴工書畫其餘巧藝靡不
畢綜師事術士范宣又宋書戴仲若傳漢始
有佛像逵特善其事據二史則逵實以一身
兼之江南錢博士站以贈中丞鑑爲之引

有鏡有鏡名飛霜青銅一片寒孤光眞子者誰姓氏荒
手不敢觸神茫茫面上何所有菱花八出顏色久生沙
不蝕塵不垢皎如寒月出林藪霍如火珠懸左肘雪如

冬甲一

三

奔電入窗牖背上何所見中央四角復周徧有蟲有鳥
有草木左圖一人如禮殿冰夷白浪數番淬列缺紅鑪
幾回鍊寧求漢殿葡萄枝應過唐苑芙蓉面花前指點
心煩憂鳴鳳在樹何所遊放龜在沼何所傳顧免在腹
何所求飛霜在御何所尤搔首問之風颭颭此鏡流傳
凡幾時江南錢氏偶得之徧攷史冊不敢知閭中摸捉
無妍媸吾師審定疑戴逵逵能范金兼彈絲起雷造冰
靡不爲字蹟況合西晉勢畫法不守南宋欺以字以畫
非支離命弟子鑑記以詞鑑也撫鑑有所思吁嗟乎會
稽山中一高士有鏡團團搖海水鑄來已自數千年照
去寧須二百里楓根幸免伴漆鐙閨裏尙羞事眉史翻

然忽作千秋思閱盡山林閭朝市漂以西巖之涼颭濯
以寒泉之清泚侵晨持謝負局翁簌簌嚴霜拂人指
澹寧精舍銷寒會分賦

畫鐙

簫風攪空林官燭難初夜斜綳半幅紗直扶一尺架賦
綴礫新調爨帖蠟重研綺縠雲英輸山屏石粉借結習
翰墨多傳看丹青乍楊昌緒既馬遠流周黃亦邊鸞亞
異曲或勑敵同工自方駕雲氣白蓬蓬花枝紅蛇蛇香
濃胡蝶忙態淑仙靈暇畫勢淡更疏題句密無罅回颿
護升降吹火巧脫卸舊事記武林其品每高價忠惠春
雨堂左右列可怕蘇貢始甚奇福製晚益下萬眼名希

冬甲一

三

傳無骨式驚詫但要官長歡不顧路人罵武林舊事鐙品至多蘇福爲冠新安晚出尤妙無骨鐙者法用絹囊貯粟燒綴混然玻璃又或爲細眼紅白號萬眼羅趙忠惠守吳製春雨堂五開左汴京御樓右武吾師去雕琢卽事似茅舍林鐙市歌舞雜藝凡用工千雖遜西漆煎頗類南油瀉虛堂絕絲弦幽幌遠香麝自宜照琴書豈可對漿炙古懽昔所敦繁華久相謝一任麥蛾飛寒光透花樹

讀阮師澹杭州清波門流福溝成放水入城紀
事詩書後

杭州城下波拍浮杭州城西水不流錢塘江遠湖口塞
人家低下愁春秋天旱苦汲雨淫潦卽有水利誰講求
縣官昨夜下府帖清波門外開水溝此溝彎彎十幾里